



Hoër Landbouskool

OAKDALE

Agricultural High School

Sedert 1928



P/Sak / P/Bag X424
Riversdal/e
6670
Suid-Afrika/South Africa

Tel: 028 713 2549
E-pos/E-mail: info@oakdale.co.za
Webtuiste/Website: www.oakdale.co.za

Hoof/Principal: Mnr. W.J du Buisson
E-pos/E-mail: hoof@oakdale.co.za

BELEID VAN HOËR LANDBOUSKOOL OAKDALE RAKENDE DIE TOELATING VAN LEERDERS TOT DIE SKOOL

Aangesien die Hoër Landbouskool Oakdale (hierna “die Skool”) 'n openbare skool (Landbouskool) is met regs persoonlikheid ingevolge die bepalings van artikel 15 van die Suid-Afrikaanse Skolewet, Nr. 84 van 1996 (soos gewysig) (hierna “die Skolewet”) waarvan die beheer aan sy skoolbeheerliggaam (hierna “die SBL”), soos in artikel 16 van die Skolewet, toevertrou is;

Aangesien die SBL ingevolge artikel 5 van die Skolewet by magte is om onderhewig aan die bepalings van die Skolewet en enige toepaslike provinsiale wet, die Skool se beleid rakende die toelating van leerders tot die Skool en grade by die Skool te bepaal;

Aangesien die SBL met betrekking tot die kwessie van leerdertoelating tot die Skool of verskillende grade by die Skool op die volgende wetgewing (hierna “die wetgewing”) let:

- (i) die Grondwet van die Republiek van Suid-Afrika vervat in Wet Nr. 108 van 1996 (hierna “die Grondwet”);
- (ii) artikel 3(3)(4)(l) en 5 van die Wet op Nasionale Onderwysbeleid, Nr. 27 van 1996 (“NEPA”);
- (iii) die Toelatingsbeleid vir Gewone Openbare Skole, deur die minister van onderwys in Staatskoerant Nr. 19377 van 19 Oktober 1998 (Kennisgewing Nr. 2432/98) (hierna “ministeriële beleid”) gepubliseer; en
- (iv) die Wysigingswet op Onderwyswette, Nr. 50 van 2002
- (v) WKOD omsendskrywe 26/2010 vir die Bestuur, Toelating en Registrasie van Leerders by Gewone Publieke Skole, tesame met omsendskrywes 0006/2021, 0053/2021, 0059/2021 en 0018/2022. Hiermee word onder meer bevestig dat die bestaande amptelike toelatingstelsel van die WKOD die enigste amptelike stelsel is wat gebruik mag word deur alle publieke skole.

Aangesien die Skool en sy SBL die betrokke bepalings van die wetgewing raadpleeg in soverre dit vir hulle geld en bindend is en voorrang geniet bo die mag van die SBL om die Skool se toelatingsbeleid te bepaal, en terselfdertyd vasbeslote is om die volle toepassing van die Skool se toelatingsbeleid binne die perke van die wetgewing en van tyd tot tyd enige ander toepaslike wetgewing, te verseker;

Trotse leerders geanker in dissipline en tradisie

Daarom verklaar die SBL namens die Skool nou die Skool se Beleid vir die Toelating van Leerders tot die Skool of Verskillende Grade by die Skool soos volg:

1. AANSOEKE OM TOELATING TOT DIE SKOOL

1.1 Daar word erken dat –

- (i) Die Departementshoof (Onderwys) (hierna “DH”) en/of amptenare van die departement van onderwys (DVO) wat deur die DH gedelegeer is (hierma “die DH-gedelegeerde(s)”, vir die administrasie van leerdertoelating tot die Skool verantwoordelik is; endie DH/die DH-gedelegeerde(s) 'n registrasieproses vir toelating tot openbare skole moet bepaal sodat leerdertoelating op 'n tydigte en doeltreffende wyse plaasvind.

1.2 Daar word beklemtoon dat die Skoolhoof hierdie beleid te alle tye sigbaar, billik en ingevolge die wet in aanmerking moet neem tydens optrede ooreenkomstig paragraaf 1.1 hierbo of die beslissingsproses rakende toelatingsaansoeke. Die Skool en sy SBL sal ook van die Skoolhoof verwag om te alle redelike tye volle toegang tot en afskrifte van enige registers of lêers wat as deel van die toelatingsproses gehou word te verkry.

1.3 Die Skool en die SBL sal van die DH/die DH-gedelegeerde(s)/die Skoolhoof verwag om te verseker dat aansoekers van die volgende in kennis gestel word en ook skriftelik bevestig dat hulle dit gelees het en begryp:

- (i) die SBL-grondwet;
- (ii) die Skool se taalbeleid;
- (iii) die Gedragskode vir Leerders; en
- (iv) hierdie toelatingsbeleid.

1.4 Die Skool en die SBL onderskryf die siening dat ingevolge die reg en by gebrek aan 'n hofbevel tot die teendeel, die wettige voog(de) van 'n minderjarige leerder die uitsluitlike reg het om te besluit by watter skool hulle kind/pleegkind ingeskryf word. Gevolglik aanvaar die Skool en SBL geen aansoek tensy dit ingedien word deur die voog(de) van, of die persoon/persone met wettige aanspraak op sorg vir die minderjarige leerder, of 'n persoon/persone wat skriftelik deur hulle daartoe gemagtig word nie. Voorts beskou die Skool en die SBL nougesette nakoming van hierdie benadering as noodsaaklik aangesien dit verseker dat geldige toestemming verleen word vir die behandeling van die leerder *in loco parentis*, vir die leerder se deelname aan uitstappies, ensovoorts. Gevolglik word daar van die Skoolhoof verwag om te verseker dat hierdie benadering streng nagekom word.

1.5 Die SBL onderneem om die Skoolhoof in pogings te ondersteun om die persone waarna daar in paragraaf 1.4 hierbo verwys word aan te moedig om voor die datum vir die jaar soos bepaal deur die WKOD wat die volgende skooljaar voorafgaan, om die toelating van hulle kinders/pleegkinders aansoek te doen.

1.6 Onderhewig aan hierdie beleid vereis die SBL dat die Skoolhoof leerdertoeegang tot openbare skole, waaronder dié Skool, in oorleg met die Skool koördineer, en onderneem die SBL om opbouende ondersteuning te verleen ten einde te verseker dat alle geskikte leerders toepaslik toelating ontvang.

Die Hoër Landbouskool Oakdale 'n streekskool is vir seuns wat onderwys in die algemeen, maar primêr landbou-onderrig, dien.

2. DIE SKOOL SE GEDRAGSKODE VIR LEERDERS (INSLUITEND DRAGKODE)

Hoewel aansoekers se weiering om die Skool se Gedragskode vir Leerders (insluitend dragkode) te onderskryf nie die toelating van die leerder tot die Skool kan verhoed nie, sal die kode nietemin bindend wees vir die leerder. Artikel 8(4) van die Skolewet bepaal soos volg:

“Geen bepaling van hierdie Wet stel 'n leerder vry van die verpligting om die gedragskode van die skool wat deur sodanige leerder bygewoon word, na te kom nie.

Aansoekers word aangemoedig om die Skool te ondersteun deur hulleself van die Skool se Gedragskode vir Leerders te vergewis en die nakoming daarvan deur leerders te verseker.

3. SKOOLGELD

3.1 Ouers (soos in artikel 1 van die Skolewet omskryf) se versuim, weiering of onvermoë om skoolgeld te betaal, kan nie die toelating van leerders tot die Skool verhoed nie.

3.2 Ingevolge artikel 38-41 van die Skolewet, moet 'n algemene jaarvergadering van die ouers van ingeskrewe leerders by die Skool na dertig (30) dae kennisgewing aan ouers geskied. By die jaarvergadering besluit die meerderheid van die ouers teenwoordig op die aanvaarding al dan nie van die begroting wat vir die volgende boekjaar deur die SBL voorberei is. By dieselfde vergadering kan die meerderheid van stemgeregtigde ouers teenwoordig besluit dat die betaling van skoolgeld verpligtend moet wees, wat die skoolgeldbedrag per leerder per jaar sal wees, en watter maatstawwe sal geld vir algehele of gedeeltelike vrystelling aan ouers wat nie die volle verpligte bedrag of 'n gedeelte daarvan kan betaal nie. Ouers wat nie daartoe in staat is om enige gedeelte van die bedrag of die volle bedrag te betaal nie, is daarop geregtig om op die voorgeskrewe vorms by die SBL om algehele of gedeeltelike vrystelling van die betaling van skoolgeld aansoek te doen. Sodanige aansoeke moet vertroulik deur die SBL hanteer word. Die SBL sal billik optree en bogenoemde maatstawwe asook die bepalinge van die ministeriële toepas. 'n Afskrif van laasgenoemde sal op versoek aan ouers beskikbaar gestel word. Ouers wat om vrystelling aansoek doen, kan 'n opvoeder by die Skool of enige ander persoon vir bystand met die aansoek nader. 'n Ouer/ouers wat deur die SBL se besluit verontreg voel, kan ingevolge die prosedure wat in genoemde regulasies uiteengesit word, by die DH appelleer.

3.3 Aansoekers om vrystelling moet egter daarop let dat die gekombineerde jaarlikse inkomste van ouers in berekening gebring word in die besluit of ouers vir vrystelling in aanmerking kom al dan nie. “Gekombineerde jaarlikse bruto inkomste van ouers” word in regulasie 1 van voorgenoemde regulasies omskryf as –

“die saamgetelde bruto inkomste van al die ouers van 'n leerder soos in die Wet omskryf...”.

3.4 Die Skolewet omskryf “ouer” soos volg -

- (i) die ouer of voog van 'n leerder;
- (ii) die persoon met wettige aanspraak op sorg vir 'n leerder; of
- (iii) die persoon wat onderneem om die verpligtinge van 'n persoon in paragrawe (a) en (b) ten opsigte van die leerder se opvoeding op skool na te kom.

Dus indien die leerder byvoorbeeld 'n pa én 'n ma het, maar by sy/haar tante woon, met ander woorde 'n persoon na wie daar in (c) hierbo verwys word, sal die gekombineerde bruto inkomste (vóór belasting of aftrekkings) van al drie – d.w.s. die ma, pa én tante – in berekening gebring word wanneer daar oor algehele of gedeeltelike vrystelling van die betaling van skoolgeld beslis word.

- 3.5 Om hierdie rede moet die besonderhede van alle persone wat onder die omskrywing van “ouer” val, in die toelatingsaansoek aan die Skool verskaf word.

Die aansoeker se aandag word voorts op die volgende bepaling van die Skolewet gevestig –

(Artikel 41) – “Die beheerliggaam van 'n openbare skool kan die betaling van skoolgelde deur ouers wat daarvoor aanspreeklik is..., deur regsproses afdwing.”

- 3.6 Ouers van leerders word aangemoedig om die hoë onderrigstandaard en die goeie skoolfasiliteite en -omgewing in stand te hou deur skoolgeld te betaal en, waar hulle algehele of gedeeltelike vrystelling van die betaling van verpligte skoolgeld ontvang, hulle dienste tot voordeel van die Skool aan die SBL beskikbaar te stel.

4. SKOOLEIENDOM

Aansoekers se aandag word op die volgende gevestig:

- (i) Elke leerder by die skool sal goed omsien na die eiendom van die skool wat tot sy/haar beskikking gestel word, en sal dit voor of op die datum wat deur enige opvoeder by die skool aangedui word, aan die skool terugbesorg.
- (ii) Die ouers van 'n leerder by die skool sal aanspreeklik wees vir enige skade aan of verlies van skoleiendom waarvoor die betrokke leerder op sy/haar beurt teenoor die skool aanspreeklik is.
- (iii) Dit is elke ouer se plig om die beheerliggaam van 'n skool in die bevordering van 'n kultuur van respek vir skoleiendom by te staan.

5. RISIKO VAN SKADE OF VERLIES

Aansoekers word daarop gewys dat die Skool geen aanspreeklikheid aanvaar vir skade aan, die vernietiging of verlies van enige eiendom wat deur die leerder of sy/haar ouer(s) op die Skoolperseel gebring word nie, ongeag wie sodanige skade, vernietiging of verlies veroorsaak, hoe dit veroorsaak word, of dit deur iemand se optrede of versuim veroorsaak word, en of dit opsetlik of weens nalatigheid veroorsaak word. Die Skool aanvaar geen aanspreeklikheid nie. Leerders word aangemoedig om na enige eiendom wat op die Skoolperseel gebring word om te sien, en aansoekers en ouers van leerders word aangemoedig om self die nodige versekering teen sodanige skade, vernietiging of verlies uit te neem.

6. VOLGORDE VAN VOORKEUR MET BETREKKING TOT TOELATINGSAAANSOEKE

- 6.1 Die Skool is tans 'n Afrikaansmedium-instelling en beskik dus oor menslike hulpbronne wat hoofsaaklik voorsiening maak vir daardie leerders wie se moedertaal of gekose onderrigtaal die onderrigtaal van die Skool is.
- 6.2 Die Hoër Landbouskool Oakdale is 'n streekskool vir seuns wat landbou-onderrig bied.
- 6.3 Vanweë die Landbou- en streeksgebonde aard van die skool het die skool geen voedersone nie en word geen voorkeur aan leerders uit spesifieke areas verleen nie.

- 6.4 Aangesien die Skool en die SBL weet dat hulle nie onregverdig teen 'n leerder mag diskrimineer namens wie 'n toelatingsaansoek ingedien word nie, en dus geensins voornemens is om te diskrimineer nie, en hoewel hulle graag hulle deel tot leerderonderrig in vennootskap met die Staat wil bydra, begryp hulle dat die Skool nie alle leerders kan inneem nie en dat een of ander vorm van (billike) diskriminasie rakende leerdertoelating onvermydelik is. Daarom en in die lig van voorgenoemde, is dit die Skool se beleid dat aansoeke met in ag neming van die volgende aspekte hanteer sal word:
- (a) Die Hoër Landbouskool Oakdale is 'n streekskool vir seuns wat onderwys in die algemeen, maar primêr landbou-onderrig, dien.
 - (b) Met die oog op effektiewe landbou-onderrig, veral met verwysing na praktiese opleiding, word die leerdertal per graadgroep beperk tot 105 leerders.
 - (c) Vanweë beperkte koshuisfasiliteite vind keuring plaas ten opsigte waarvan die kriteria vir toelating tot die skool ook van toepassing sal wees, asook die vereiste dat leerders moet beskik oor die aanpassingsvermoë om saam met ander leerders in die koshuis aan te pas.
 - (d) Die Hoër Landbouskool Oakdale is 'n beroepsskool wat landbou-onderrig aan leerders bied wat aan die volgende kriteria van die toelatingsbeleid voldoen:
 - (e) Leerders sal ná toelating onderworpe wees aan die gedragskode van die skool.
 - (f) Onderrig sal slegs in Afrikaans aangebied word en slegs leerders wat verkies om onderrig in Afrikaans te ontvang, sal gevolglik toegelaat word.
 - (g) Leerderprestasie en belangstelling in Afrikaans, Engels, Wiskunde en Natuurwetenskappe (NW), is 'n voorvereiste vir toelating aangesien die aanbieding van landbouvakke deur alle leerders verpligtend is.
 - (h) Leerders moet hul verbind tot 'n onberispelike dissiplinêre- en gedragskode wat aan die standaard van die Hoër Landbouskool Oakdale voldoen.
 - (i) Voorkeur word verleen aan leerders wat beskik oor 'n liefde en belangstelling vir landbou.
 - (j) Leerders moet hulself bereid verklaar tot deelname en betrokkenheid ten opsigte van die dagprogram van die skool, sport en kultuur met inbegrip van verpligte praktiese landbou-opleiding in die namiddag.
 - (k) Leerders wat nie van koshuisinwoning gebruik maak nie, moet uit hul ouerhuise die skool bywoon.
 - (l) Die stiptelike kwartaallikse betaling van losiesgelde, indien woonagtig in die koshuis, asook onderriggeld, met in ag neming van bepalinge van die Skolewet en toepaslike regulasies, is verpligtend.
 - (m) Aansoek om toelating open met aanvang van die jaar wat toelating voorafgaan, en sluit op die datum soos bepaal deur die WKOD van dieselfde jaar. Aansoeke ontvang ná die sluitingsdatum sal slegs oorweeg word indien genoegsame plek in die koshuis en skool beskikbaar is.

- (n) Toelating tot graad 8 sal slegs oorweeg word vir voornemende leerders wat gedurende hulle graad 8 jaar die ouderdom van 13 tot 15 jaar bereik.
- (o) Toelating aan leerders in ander grade tot en met graad 11 sal met progressiewe ouderdoms-intervalle oorweeg word.
- (p) Toelating aan leerders in graad 12, sal slegs oorweeg word by bewys van geskikte ooreenstemmende landbouvakke in die vorige graad.
- (q) Aansoek om toelating moet vergesel wees van 'n bewys daarvan dat die leerder sy vorige graad geslaag het.
- (r) Aansoek om toelating moet ingedien word op die WKOD webwerf en die bewys van registrasie en 'n inligtingsvorm wat volledig voltooid is, moet aan die skool gestuur word.

(Algemene inligting betreffende onderrig en vakkeuses aangeheg).

Nieteenstaande voorgenoemde, behou die SBL die reg om oorheersende voorkeur te gee aan broers van leerders wat reeds by die Skool ingeskryf is.

7. TOELATING VAN PERSONE SONDER SUID-AFRIKAANSE BURGERSKAP

Soos per regulasie.

8. DIE SBL EN DIE LEERDERS VAN DIE SKOOL

8.1 Die SBL beskou homself gebonde tot die beskerming van die opvoeders, leerders, ouers en nie-opvoeders van die Skool teen liggaamlike of geestelike geweld in soverre die SBL by magte is daartoe, en voorts tot die koestering van die liggaamlike, geestelike en morele welsyn van leerders. Vir hierdie doeleinde –

- (a) behou die SBL die reg voor om die dissiplinêre en gedragsrekord van enige voornemende leerder by die Skool te bestudeer, en alle stappe binne sy mag te doen om die toelating van 'n leerder te verhoed wie se gedrag juis daardie beste belange kan bedreig wat die SBL genoep voel om te beskerm;
- (b) mag die SBL die DH om inligting vra en met hom/haar in geding tree oor die wysheid van die toelating van 'n leerder tot enige graad by die Skool wanneer sodanige leerder ernstig benadeel sal word deur sy/haar onvermoë om op die vereiste vlak vir behoorlike onderrig in daardie graad te kommunikeer of mee gekommunikeer te word;
- (c) mag die SBL, gegewe die hulpbronne en omstandighede van die Skool, enige redelik uitvoerbare stappe doen om 'n gestremde voornemende leerder in die Skool te laat aanpas; en
- (d) verwag die SBL dat personeellede, leerders of ouers enige saak by hom sal aanmeld met betrekking tot die misbruik van regte of inbraak op die belange wat die SBL juis wil beskerm.

9. DIE OUERS EN DIE SKOOL/SBL

9.1 Ouers word aangemoedig om by al die werksaamhede van die Skool betrokke te raak, aan te bied om lede te word van die beheerstrukture en ondersteuningsgroepe wat die belange van die Skoolgemeenskap dien, en die onderrigproses te ondersteun deur opbouend met

opvoeders om te gaan en te verseker dat leerdere opgelegde take en huiswerk pligsgetrou en nougeset doen. Daar word voorts van ouers verwag om te verseker dat hulle kinders behoorlik toegerus is om ten volle aan die onderrigproses deel te neem en dat hulle skool stip op tyd en gereeld bywoon.

9.2 **Hierdie beleid mag van tyd tot tyd deur die SBL gewysig, aangevul, verander of aangepas word.**